

Na osnovu člana 16. stav 4. Zakona o Vladi Zeničko - dobojskog kantona - Prečišćeni tekst („Službene novine Zeničko - dobojskog kantona, broj: 7/10), a postupajući u skladu sa Zaključkom Skupštine Zeničko-dobojskog kantona, broj: 01-02-14508/17 od 24.10.2017. godine, na prijedlog Ministarstva za privredu, Vlada Zeničko-dobojskog kantona, na 123. sjednici, održanoj dana 19.12.2017. godine d o n o s i

ZAKLJUČAK

I.

Utvrđuje se Prijedlog Zakona o izmjeni Zakona o Agenciji za privatizaciju Zeničko-dobojskog kantona.

II.

Prijedlog Zakona iz tačke I. ovog Zaključka upućuje se po skraćenom postupku u daljnju skupštinsku proceduru.


III.

Zaključak stupa na snagu danom donošenja.

Broj: 02-02-14519 /17.
Datum, 19.12.2017. godine
Zenica

DOSTAVLJENO:

1x Ministarstvo za privredu,
 1x Stručna služba Skupštine,
1x a/a.



PREMIJER

po ovlaštenju

Himzo Smajić
Ministar Himzo Smajić

PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na sjednici održanoj _____ godine, donosi

**ZAKON
O IZMJENI ZAKONA O AGENCIJI ZA PRIVATIZACIJI ZENIČKO-
DOBOJSKOG KANTONA**

**Član 1.
(Predmet Zakona)**

U Zakonu o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10), u članu 14. stav 2., broj „2“ zamjenjuje se brojem „4“.

**Član 2.
(Stupanje na snagu)**

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01- /17
Datum,
Zenica

Predsjedavajući

Jasmin Duvnjak

File

**OBRAZLOŽENJE
ZAKONA O IZMJENI ZAKONA O AGENCIJI ZA PRIVATIZACIJU
ZENIČKO-DOBOJSKOG KANTONA**

I. USTAVNI OSNOV

Ustavni osnov za donošenje ovog zakona sadržan je u članu 37. stav 1. tačka f) Ustava Zeničko-dobojskog kantona, koji glasi: "Skupština ima pravo donositi zakone i ostale propise za izvršavanje kantonalne nadležnosti".

II. RAZLOZI ZA DONOŠENJE

Razlog za donošenje ovog Zakona nalazi se u Zaključku Skupštine Zeničko-dobojskog kantona, broj: 01-02-14508/17 od 24.10.2017. godine, kojim se prihvata Inicijativa Komisije za izbor i imenovanja Skupštine Zeničko-dobojskog kantona za izmjenu člana 14. stav 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10).

Komisija za izbor i imenovanja Skupštine Zeničko-dobojskog kantona u svom dosadašnjem radu imala je velike poteškoće u popunjavanju upražnjenih pozicija predsjednika i članova Nadzornog odbora Agencije za privatizaciju, jer se na javni oglas nije javljao dovoljan broj kandidata pa se dešavalo da se javni oglas mora ponoviti po nekoliko puta. Komisija smatra da bi se na Javni oglas prijavio veći broj kandidata ukoliko bi mandate predsjednika i članova Nadzornog odbora Agencije za privatizaciju trajao četiri, umjesto dvije godine.

III. POSTUPAK DONOŠENJA

Skupština je istim Zaključkom zadužila Ministarstvo za privredu i Vladu Zeničko-dobojskog kantona da u smislu predložene inicijative u skupštinsku proceduru dostave po skraćenom postupku prijedlog Zakona o izmjeni Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10).

Članom 140. Poslovnika o radu Skupštine Zeničko – dobojskog kantona-Novi prečišćen tekst („Službene novine Zeničko - dobojskog kantona, broj: 7/12 i 12/13) propisano je donošenje zakona po skraćenom postupku:

“Kad je to programom rada Skupštine predviđeno ili kad nije u pitanju složen i obiman zakon, podnosilac prijedloga zakona može umjesto nacrtu da podnese prijedlog zakona i da predloži da se prijedlog zakona pretresa po skraćenom postupku, bez nacrtu zakona. Prijedlog zakona iz prethodnog stava dostavlja se poslanicima u roku koji ne može biti kraći od 15 dana od dana određenog za održavanje sjednice Skupštine na kojoj će se pretresati prijedlog zakona”.

IV. EKONOMSKI EFEKTI

Donošenje ovog Zakona neće opteretiti Budžet Zeničko-dobojskog kantona.





Ministarstvo za gospodarstvo
n/r ministra
-ovdje-

Zenica, 21.11.2017. godine

Veza Vaš broj: 04-02-14508-3/17 od 15.11.2017.

Naš znak: 06/02-02-14508-4/17

PREDMET: Prijedlog Zakona o izmjeni Zakona o Agenciji za privatizaciju Zeničko-dobojskog kantona - stajalište, dostavlja se

Sukladno članku 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), a u svezi sa člankom 31. stavak 1. točka b), Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11) u roku utvrđenom stavkom 2. istog članka, Ministarstvo za pravosuđe i upravu Zeničko-dobojskog kantona u postupku utvrđivanja usklađenosti sa:

- Europskom konvencijom o zaštiti ljudskih prava i sloboda i drugim pravima;
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14);
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i
- Zakonom o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), daje, slijedeće:

stajalište

Ministarstvo za pravosuđe i upravu Zeničko-dobojskog kantona s aspekta svoje mjerodavnost, nema primjedbi na dostavljeni Prijedlog Zakona o izmjeni Zakona o Agenciji za privatizaciju Zeničko-dobojskog kantona, aktom broj i datum veze.


S obzirom na naprijed navedeno, stajališta smo da se akt može uputiti u dalju procedure usvajanja.

S poštovanjem,

Dostavljeno:

1 x Naslovu
1 x U pismohranu





Broj: 03-02-14508-3/17
Zenica, 20.11.2017. godine

**MINISTARSTVO ZA PRIVREDU/GOSPODARSTVO
ZENIČKO-DOBOJSKOG KANTONA**

**PREDMET: Mišljenje o Prijedlogu Zakona o izmjeni Zakona o Agenciji za privatizaciju Zeničko-dobojskog kantona- dostavlja se
Veza Vaš akt broj: 04-02-14508-2/17 od 15.11.2017. godine**

U skladu sa članom 2. Uredbe o Sekreterijatu za zakonodavstvo Vlade Zeničko-dobojskog kantona („Službene novine Federacije Bosne i Hercegovine“ broj: 8/96 i broj: 2/05) i članom 31. stav 1. tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“ broj: 5/11), te na osnovu uvida u tekst prijedloga Zakona o izmjeni Zakona o Agenciji za privatizaciju Zeničko-dobojskog kantona (Službene novine Zeničko-dobojskog kantona broj: 4/97, 15/97, 6/01, 8/10), a u postupku utvrđivanja usklađenosti istog sa pravnim sistemom i metodološkim jedinstvom u izradi propisa dostavljamo sljedeće

MIŠLJENJE

Ustavni i pravni osnov prijedloga Zakona o izmjeni Zakona o Agenciji za privatizaciju Zeničko-dobojskog kantona (u daljnjem tekstu: Prijedlog Zakona) je pravilno utvrđen, te je isti usklađen sa pravnim sistemom.

U nomotehničkom smislu prijedlog Zakona je urađen u skladu Jedinstvenim pravilima za izradu pravnih propisa u Zeničko-dobojskog kantona (Službene novine Zeničko-dobojskog kantona broj 5/08).

Kada je u pitanju prijedlog obrađivača da se Zakon donese u skraćenom postupku, bez nacрта, smatramo potrebnim podsjetiti da se zakoni u pravilu, trebaju donositi u redovnom postupku.

No kako će o prijedlogu da se Zakon donese po skraćenom postupku, odlučivati Skupština kao o prethodnom pitanju, na sjednici, tokom rasprave o dnevnom redu, shodno članu 140. stav 3. Poslovnika Skupštine Zeničko-dobojskog kantona – Novi pročišćeni tekst („Službene novine Zeničko-dobojskog kantona broj 7/12 i 12/13), mišljenja smo de se prijedlog Zakona može uputiti u daljnju proceduru.

S poštovanjem,

Dostavljeno:
1x Naslovu,
1x a/a

SEKRETAR

Berjana Ačkar



Broj: 07-02-14508-1/17
Zenica, 21.11.2017. godine

MINISTARSTVO ZA PRIVREDU

PREDMET: Mišljenje na Prijedlog Zakona o izmjeni Zakona o Agenciji
za privatizaciju Zeničko-dobojskog kantona - *dostavlja se*

Ministarstvo finansija je razmotrilo Prijedlog Zakona o izmjeni Zakona o Agenciji za privatizaciju Zeničko-dobojskog kantona, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15 i 104/16), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

U tački IV Obrazloženja Prijedloga Zakona, navedeno je da „donošenje ovog Zakona neće opteretiti Budžet Zeničko-dobojskog kantona.“

U dostavljenoj Izjavi o fiskalnoj procjeni – Obrazac IFP-NE od 15.11.2017. godine, navedeno je da „Prijedlog Zakona neće rezultirati fiskalnim učinkom po Budžet Zeničko-dobojskog kantona, odnosno neće opteretiti Budžet Zeničko-dobojskog kantona.“

Imajući u vidu navedeno Obrazloženje Prijedloga Zakona i dostavljenu Izjavu o fiskalnoj procjeni, Ministarstvo finansija nema primjedbi iz svoje nadležnosti.

S poštovanjem!

Dostavljeno:


1x) Naslovu,
1x a/a.

MINISTAR

Andrej Kajić

OBRAZAC IZJAVA O FISKALNOJ PROCJENI

Obrazac IFP NE

A 1. Obrazložavanje formisa						
	KOD	NAZIV				
Razdjel	18	Ministarstvo za privredu Zeničko-dobojskog kantona				
B 2. Osnovni podaci o predloženom propisu						
Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Zakon o izmjeni zakona o Agenciji za privatizaciju Zeničko-dobojskog kantona					
C 3. Izjava o nepostojanju dodatnih fiskalnih efekata predloženog propisa						
<p>Prijedlog Zakona neće rezultirati fiskalnim učinkom po Budžet Zeničko-dobojskog kantona, odnosno neće opteretiti Budžet Zeničko-dobojskog kantona.</p>						
D 4. Pažat i potpis odgovornog lica						
 MINISTER Zlatko Jelić, dipl.oec.			Mjesto i datum	Zenica, 15.11.2017.		


Na osnovu člana 112. stav 3. i 4. Poslovnika Skupštine Zeničko-dobojskog kantona - Novi prečišćeni tekst («Službene novine Zeničko-dobojskog kantona», broj: 7/12 i 12/13), Skupština Zeničko-dobojskog kantona, na 48. sjednici održanoj dana 24.10.2017. godine, donijela je:


ZAKLJUČAK

1. Skupština Zeničko-dobojskog kantona prihvata Inicijativu Komisije za izbor i imenovanja Skupštine Zeničko-dobojskog kantona za izmjenu člana 14. stav 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10).
2. Skupština Zeničko-dobojskog kantona zadužuje Ministarstvo za privredu Zeničko-dobojskog kantona i Vladu Zeničko-dobojskog kantona, da u smislu predložene inicijative, u roku od 30 dana pripreme i u skupštinsku proceduru dostave po skraćenom postupku Prijedlog Zakona o izmjeni Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10).
3. Zaključak stupa na snagu danom donošenja i dostavit će se Komisiji za izbor i imenovanja Skupštine Zeničko-dobojskog kantona, kao podnosiocu inicijative.

Broj: 01-02-14508/17

Datum, 24.10.2017. godine
Zenica

PREDSJEDAVAJUĆI

Jasmin Duvnjak



započne sa radom na drugom mjestu ili ne ispuni staž za punu mirovinu, plaća i druga primanja koja pripadaju tužitelju ili zamjeniku tužitelja odgovarajućeg tužilaštva.

Članak 68.

Danom početka rada Županijskog i općinskih tužilaštava, tužilaštva (osnovna i viša javna tužilaštva Zenica, Doboj i Sarajevo) ustupit će predmete iz svoje nadležnosti utvrđene ovim zakonom Županijskom i općinskim tužilaštvima.

Članak 69.

Do osnivanja i početka rada nadležnih županijskih tužilaštava na teritoriji Federacije BiH, Županijsko tužilaštvo će voditi postupak u svim predmetima iz dosadanje nadležnosti Višeg javnog tužilaštva u Zenici.

Članak 70.

Djelatnike viših javnih tužilaštava i osnovnih javnih tužilaštava koji se na dan stupanja na snagu ovog zakona zateknu na radu u ovim tužilaštvima preuzet će Županijsko, odnosno odgovarajuće općinsko tužilaštvo.

Članak 71.

Županijski tužitelj i općinski tužitelji izvršit će privremeni raspored preuzetih djelatnika, a nakon donošenja pravilnika o unutarnjoj organizaciji tužilaštva - konačan raspored djelatnika.

Djelatnici koji ne budu raspoređeni na poslove i zadatke sukladno stavku 1. ovog članka, ostvaruju svoja prava iz radnog odnosa po Zakonu o radnim odnosima djelatnika u tijelima uprave koji se primjenjuju na teritoriju Županije.

Članak 72.

Neurošena novčana sredstva, inventar i drugu imovinu sa kojom budu raspolagali viša javna tužilaštva i osnovna javna tužilaštva na teritoriju Županije, od dana početka rada Županijskog, odnosno općinskog tužilaštva, preuzet će Županijsko odnosno općinska tužilaštva.

Županijsko i općinska tužilaštva preuzet će arhivsku građu i registarski materijal koji se od dana početka rada Kantonalnog, odnosno općinskog tužilaštva budu našli u tužilaštvima iz prethodnog stavka.

Članak 73.

Županijski i općinski tužitelji će donijeti pravilnik o unutarnjoj organizaciji tužilaštva u roku od 30 dana od dana početka rada tužilaštva, uz prethodno pribavljenu suglasnost ministra pravde Županije.

Članak 74.

Do donošenja propisa o unutarnjem poslovanju tužilaštva prema odredbama ovog zakona, primjenjivat će se postojeći propisi o unutarnjem poslovanju javnih tužilaštava, ako nisu u suprotnosti sa ovim zakonom.

Propisi za čije je donošenje po odredbama ovog zakona ovlašten ministar pravde Županije, donijet će se

u roku od 3 (tri) mjeseca od dana stupanja na snagu ovog zakona.

Članak 75.

Ovaj zakon stupa na snagu osmog dana od dana objavljivanja u "Službenim novinama Zeničko-dobojske županije".

Broj:01-126/97. PREDSDJEDAVALJUĆI SKUPŠTINE
12. ožujak, 1997. god. Šefik Džaferović, s.r.

ZENICA

22.

Na osnovu člana 37. h. Ustava Zeničko-dobojskog kantona i člana 20. Zakona o Agenciji za privatizaciju ("Službene novine Federacije Bosne i Hercegovine", broj 18/96), Skupština Zeničko-dobojskog kantona, na 7. sjednici, održanoj dana 12. marta 1997. godine, donosi

ZAKON O AGENCIJI ZA PRIVATIZACIJU ZENIČKO-DOBOJSKOG KANTONA

I. OPĆE ODREDBE

Član 1.

Ovim zakonom osniva se Agencija za privatizaciju Zeničko-dobojskog kantona (u daljem tekstu: Agencija) i uređuje njen pravni položaj, sjedište, djelatnost, nadležnost, upravljanje, rukovođenje i finansiranje.

II. PRAVNI POLOŽAJ I SJEDIŠTE

Član 2.

Agencija je pravno lice.

Agencija je specijalizirana organizacija Zeničko-dobojskog kantona, (u daljem tekstu:Kanton).

Član 3.

Sjedište Agencije je u Zenici.

III. DJELATNOST I NADLEŽNOST

Član 4.

Djelatnost Agencije jeste obavljanje stručnih i drugih poslova u vezi s privatizacijom.

Agencija obavlja i savjetodavne, promotivne, edukativne i druge stručne poslove saglasno zakonu.

Član 5.

U okviru svoje djelatnosti Agencija:

- inicira i učestvuje u pripremi donošenja zakona, propisa i drugih općih akata u području privatizacije,
- saraduje s nadležnim ministarstvima, općinama, agencijama i drugim organima i organizacijama za reorganizaciju i privatizaciju,
- vodi evidencije i statistike u okviru svog djelokruga,
- podnosi izvještaje o toku i rezultatima procesa privatizacije i o svom radu Vladi Kantona (u daljem tekstu:Vlada), najmanje tromjesečno,
- obavlja i druge poslove u vezi s privatizacijom.

Član 6.

Agencija vrši odobravanje, sprovođenje, organiziranje, nadziranje i podsticanje privatizacije preduzeća

za koja nije nadležna Agencija za privatizaciju Federacije Bosne i Hercegovine (član 6. alineja 1. Zakona o agenciji za privatizaciju "Službene novine Federacije Bosne i Hercegovine", broj 18/96).

U vezi s privatizacijom preduzeća iz stava 1. ovog člana Agencija naročito:

- odobrava program privatizacije i početnu bilansu stanja preduzeća.
- odlučuje o načinu privatizacije preduzeća u slučaju kad preduzeće u propisanom roku ne podnese program privatizacije ili je program odbijen.
- odlučuje o načinu i sprovođi postupak privatizacije.
- zaključuje ugovor o prodaji dionica preduzeća, te odlučuje o drugim metodama i načinima upravljanja preduzećima.
- utvrđuje povoljnije uvjete prodaje i plaćanja za preduzeća koja se ne privatiziraju saglasno načinu i uvjetima određenim kod odobravanja programa privatizacije.
- objavljuje i provodi prodaju preduzeća u postupku male privatizacije.
- upravlja i raspolaže neprodatim dionicama preduzeća.
- organizira i podstiče obrazovanje iz oblasti privatizacije.
- pruža savjetodavnu pomoć preduzećima u privatizaciji.
- dostavlja izvještaje o odobrenim i realiziranim programima privatizacije preduzeća iz svoje nadležnosti Agenciji Federacije Bosne i Hercegovine za privatizaciju najmanje jednom tromjesečno.
- obavlja i druge poslove u vezi s privatizacijom utvrđene zakonom i drugim propisima.

Član 7.

Agencija u okviru svoje nadležnosti ima javna ovlaštenja za donošenje pojedinačnih upravnih akata, u skladu s propisom o općem upravnom postupku.

Član 8.

Upravni nadzor nad povjerenim javnim ovlaštenjima iz člana 6. i 7. ovog zakona vrše resorna ministarstva, svako u okviru svoje nadležnosti.

U vršenju upravnog nadzora ministarstva iz stava 1. ovog člana rješavaju o žalbama protiv donesenih upravnih akata u vršenju povjerenih javnih ovlaštenja i vrše druga prava koja po zakonu ima drugostepeni organ u upravnom postupku.

Agencija je dužna najmanje jedanput tromjesečno ministarstvima iz stava 1. ovog člana podnijeti izvještaj o vršenju povjerenih javnih ovlaštenja.

Član 9.

U okviru svoje nadležnosti Agencija saraduje s nadležnim tijelima i institucijama općina, kantona i Federacije, te međunarodnim institucijama i organizacijama.

IV. UPRAVLJANJE I RUKOVODENJE

1. Upravni odbor

Član 10.

Agencijom upravlja Upravni odbor.

Upravni odbor se sastoji od jedanaest članova od kojih je jedan predsjednik Upravnog odbora.

Član 11.

Upravni odbor, uključujući i predsjednika, imenuje i razrješava Vlada.

Članovi Upravnog odbora se imenuju iz reda stručnjaka, privrednika i znanstvenika u Kantonu.

Predsjednik i članovi Upravnog odbora imenuju se na period od 2 godine, a nakon toga mogu biti ponovo imenovani.

Član 12.

Za člana Upravnog odbora ne može biti imenovano lice koje vrši funkciju poslovnog organa u preduzeću u kome ima državnog vlasništva i vlasnici preduzeća, kao i član Nadzornog odbora Agencije.

Član 13.

Upravni odbor Agencije:

- donosi:

- a) Statut i druge opće akte,
- b) Poslovnik o radu,
- c) akte o unutrašnjem ustrojstvu Agencije,
- d) finansijski plan i program rada,

- razmatra i usvaja završni račun i izvještaj o radu Agencije.

- odobrava početni bilans i program privatizacije preduzeća,

- donosi metodologiju i druga opća akta iz nadležnosti Agencije saglasno zakonu,

- osniva komisije i radna tijela Agencije,

- obavlja i druge poslove saglasno zakonu i statutu Agencije.

Statut, akta o unutrašnjem ustrojstvu Agencije, finansijski plan i program donose se uz saglasnost Vlade.

2. Nadzorni odbor

Član 14.

Nadzor zakonitosti rada i finansijskog poslovanja Agencije provodi Nadzorni odbor. Nadzorni odbor se sastoji od predsjednika i četiri člana koje imenuje i razrješava Skupština Kantona.

Predsjednik i članovi Nadzornog odbora imenuju se na period od 2 godine, a nakon toga mogu biti ponovo imenovani.

Za člana Nadzornog odbora ne može biti imenovano lice koje vrši funkciju poslovnog organa u preduzeću u kome ima državnog vlasništva, vlasnik preduzeća i lice koje je predsjednik ili član upravnog ili nadzornog odbora preduzeća.

Nadzorni odbor podnosi Skupštini Kantona izvještaj o svom radu najmanje jedanput godišnje.

Član 15.

Za vršenje poslova iz svoje nadležnosti Nadzorni odbor može angažovati stručne institucije i nezavisne stručnjake.

3. Direktor

Član 16.

Agencijom rukovodi direktor.

Direktora imenuje i razrješava Vlada.

"Do donošenja odgovarajućih kantonalnih propisa provođenje postupka i izricanje kazni za prekršaje po ovom zakonu vršit će postojeći općinski sudovi za prekršaje na području Kantona i Viši sud za prekršaje u Zenici".

Član 2.

Ovaj zakon stupa na snagu danom objavljivanja u "Službenim novinama Zeničko-dobojskog kantona".

Broj 01-432/97 PREDsjedavajući SKUPŠTINE
Zenica, 15.10.1997.god. Šefik Džaferović, s.r.

194.

Na temelju članka 37. Ustava Zeničko-dobojske županije, Skupština Zeničko-dobojske županije, na 13. sjednici održanoj dana 15. listopada 1997. godine, donosi

ZAKON O DOPUNI ZAKONA O PRORAČUNU ZENIČKO-DOBOJSKE ŽUPANIJE

Članak 1.

U Zakonu o proračunu Zeničko-dobojske županije ("Službene novine Zeničko-dobojske županije", broj 1/96), iza članka 48. dodaje se novi članak 48a, koji glasi:

"Do donošenja odgovarajućih županijskih propisa provođenje postupka i izricanje kazni za prekršaje po ovom zakonu vršit će postojeći općinski sudovi za prekršaje na području županije i Viši sud za prekršaje u Zenici".

Članak 2.

Ovaj zakon stupa na snagu danom objavljivanja u "Službenim novinama Zeničko-dobojske županije".

Broj 01-432/97 PREDsjedavajući SKUPŠTINE
Zenica, 15.10.1997.god. Šefik Džaferović, s.r.

195.

Na osnovu člana 37. h. Ustava Zeničko-dobojskog kantona i člana 20. Zakona o Agenciji za privatizaciju ("Službene novine Federacije Bosne i Hercegovine", broj 18/96), Skupština Zeničko-dobojskog kantona, na 13. sjednici, održanoj dana 15.10.1997. godine, donosi

ZAKON o izmjenama Zakona o Agenciji za privatizaciju Zeničko-dobojskog kantona

Član 1.

U Zakonu o Agenciji za privatizaciju Zeničko-dobojskog kantona ("Službene novine Zeničko-dobojskog kantona", broj 4/97), u članu 10. stav 2. riječ "jedanaest" zamjenjuje se riječju "trinaest".

Član 2.

Ovaj zakon stupa na snagu danom objavljivanja u "Službenim novinama Zeničko-dobojskog kantona".

Broj 01-431/97 PREDsjedavajući SKUPŠTINE
Zenica, 15.10.1997.god. Šefik Džaferović, s.r.

195.

Na temelju članka 37. h. Ustava Zeničko-dobojske županije i članka 20. Zakona o Agenciji za privatizaciju ("Službene novine Federacije Bosne i Hercegovine", broj 18/96), Skupština Zeničko-dobojske županije, na 13. sjednici, održanoj dana 15.10.1997. godine, donosi

ZAKON o izmjenama Zakona o Agenciji za privatizaciju Zeničko-dobojske županije

Članak 1.

U Zakonu o Agenciji za privatizaciju Zeničko-dobojske županije ("Službene novine Zeničko-dobojske županije", broj 4/97), u članku 10. stavak 2. riječ "jedanaest" zamjenjuje se riječju "trinaest".

Članak 2.

Ovaj zakon stupa na snagu danom objavljivanja u "Službenim novinama Zeničko-dobojske županije".

Broj 01-431/97 PREDsjedavajući SKUPŠTINE
Zenica, 15.10.1997.god. Šefik Džaferović, s.r.

196.

Na osnovu člana 29. Zakona o Vladi Zeničko-dobojskog kantona ("Službene novine Federacije Bosne i Hercegovine", broj 7/96 i "Službene novine Zeničko-dobojskog kantona", broj 1/96 i 4/97), Vlada Zeničko-dobojskog kantona, na 27. sjednici, održanoj dana 27.10.1997. godine, donosi

ODLUKU o odobravanju sredstava za otkup prava od određenih imaoaca deviznih vojnih knjižica u svrhu plaćanja utroška električne energije

I.

Zeničko-dobojski kanton (u daljem tekstu: Kanton) privremeno će obezbijediti sredstva iz budžeta Kantona za otkup prava od imaoaca deviznih vojnih knjižica, a u svrhu plaćanja dijela troškova električne energije putem deviznih vojnih knjižica pripadnika Oružanih snaga RBiH na području Kantona.

II.

Određeni imaoци deviznih vojnih knjižica pripadnici Oružanih snaga RBiH na području Kantona mogu sa devizne vojne knjižice plaćati utrošenu električnu energiju u iznosu od 20 KM mjesečno, za period 01.11.1997. do 31.03.1998. godine.

Pravo iz prethodnog stava mogu ostvariti porodice šehida poginulih boraca, ratni vojni invalidi, nosioci ratnih priznanja: "Zlatni ljiljan", "Srebrni štit", "Zlatna policijska značka" i "Srebrna policijska značka", nezaposleni demobilisani pripadnici Oružanih snaga RBiH i demobilisani pripadnici Oružanih snaga RBiH koji se vode na čekanju duže od tri mjeseca u 1997. godini, koji su nosioci pretplatničkog-potrošačkog broja za plaćanje električne energije na području Kantona.

Prilohi od upravljanja slobodnim novčanim sredstvima uplaćuju se u Proračun Kantona.

Članak 37.

Za svako korištenje sredstava Proračuna, nositelji potrošnje proračunskih sredstava dužni su u svojim aktima navesti broj razdjela i glave Proračuna, kao i naziv pozicije Proračuna.

Članak 38.

Planirana sredstva u razdjelu 26. glava 261 - Agencija za privatizaciju koristit će se prema Financijском planu Agencije za privatizaciju kojeg odobrava Vlada Kantona.

Članak 39.

Vlada je obvezatna izvršiti Skupštinu o izvršenju Proračuna Kantona za prvo polugodište fiskalne godine najkasnije do 15. kolovoza tekuće godine shodno odredbama članka 28. Zakona o Proračunu Zeničko-dobojskog kantona („Službene novine Zeničko-dobojskog kantona“, broj 1/96).

III. ZAVRŠNA ODREDBA

Članak 40.

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 03-241/01
29.03.2001. godine
Zenica

**PREDSJEDATELJ
SKUPŠTINE**
Zoran Marković, s.r.

128.

Na osnovu člana 37., tačka h. Ustava Zeničko-dobojskog kantona i člana 20. Zakona o Agenciji za privatizaciju („Službene novine Federacije Bosne i Hercegovine“, broj: 18/96), Skupština Zeničko-dobojskog kantona, na 5. sjednici održanoj 17.05.2001. godine, d o n o s i

ZAKON

o izmjenama Zakona o Agenciji za privatizaciju Zeničko-dobojskog kantona

Član 1.

U Zakonu o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj 4/97 i 15/97), u članu 10. stav 2. riječ „trinaest“ zamjenjuje se riječju „pet“.

Član 2.

Ovaj zakon stupa na snagu narednog dana od dana objavljivanja u „Službene novine Zeničko-dobojskog kantona“.

Broj: 03-228/01
17.05.2001. godine
Zenica

**PREDSJEDAVAJUĆI
SKUPŠTINE**
Zoran Marković, s.r.

128.

Temeljem članka 37., točka h. Ustava Zeničko-dobojskog kantona i članka 20. Zakona o Agenciji za privatizaciju („Službene novine Federacije Bosne i Hercegovine“, broj: 18/96), Skupština Zeničko-dobojskog kantona, na 5. sjednici održanoj 17.05.2001. godine, d o n o s i

ZAKON

o izmjenama Zakona o Agenciji za privatizaciju Zeničko-dobojskog kantona

Članak 1.

U Zakonu o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj 4/97 i 15/97), u članku 10. stavak 2. riječ „trinaest“ zamjenjuje se riječju „pet“.

Članak 2.

Ovaj zakon stupa na snagu narednog dana od dana objavljivanja u „Službene novine Zeničko-dobojskog kantona“.

Broj: 03-228/01
17.05.2001. godine
Zenica

**PREDSJEDATELJ
SKUPŠTINE**
Zoran Marković, s.r.

129.

Na osnovu člana 37., tačka h) Ustava Zeničko-dobojskog kantona, Skupština Zeničko-dobojskog kantona, na 5. sjednici održanoj 17.05.2001. godine, d o n o s i

ZAKON

O IZMJENAMA ZAKONA O IZVRŠENJU SANKCIJA U ZENIČKO-DOBOJSKOM KANTONU

Član 1.

U Zakonu o izvršenju sankcija u Zeničko-dobojskom kantonu („Službene novine Zeničko-dobojskog kantona“, broj 16/2000) član 70. se mijenja i glasi:

„Ako kažnjeni pojedinac, imalac radnje, odnosno vršilac samostalne djelatnosti i odgovorno lice u pravnom licu, u određenom roku ne plati izrečenu novčanu kaznu koja ne prelazi novčani iznos od 1.000,00 (hiljadu) KM, ta kazna će se zamijeniti kaznom zatvora, u skladu sa kantonalnim Zakonom o prekršajima“.

Član 2.

Član 71. se mijenja i glasi:
„Ukoliko se izrečena novčana kazna koja prelazi iznos od 1.000,00 (hiljadu) KM ne plati u određenom roku, naplata će se izvršiti prinudnim putem.

Prinudna naplata novčane kazne iz prethodnog stava vrši se po propisima o izvršnom postupku“.



Godina XV Broj 8

ZENICA, četvrtak, 19.08.2010.

SKUPŠTINA

290.

Na osnovu člana 37. stav 1. tačka f) Ustava Zeničko-dobojskog kantona i člana 20. Zakona o Agenciji za privatizaciju („Službene novine Federacije Bosne i Hercegovine“, broj: 18/96 i 2/02), Skupština Zeničko-dobojskog kantona, na 44. sjednici, održanoj dana 05.08.2010. godine, donosi

navedenim funkcijama do isteka mandata na koji su imenovani.

Broj: 01- 02-21567/10

PREDSJEDAVALAČI

Datum, 06.08.2010. godine

Zenica

Sejad Zaimović, s.r.**VLADA**

291.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj: 16/00, 7/05 i 4/06), a u skladu sa Budžetom Zeničko-dobojskog kantona za 2010. godinu («Službene novine Zeničko-dobojskog kantona», broj: 03/10), Vlada Zeničko-dobojskog kantona, na 185. sjednici, održanoj 07.07.2010. godine, d o n o s i

ODLUKU

**o odobravanju finansijskih sredstava
Agenciji za privatizaciju Zeničko-dobojskog kantona**

**Član 1.
(Predmet)**

Odobravaju se finansijska sredstva Agenciji za privatizaciju Zeničko-dobojskog kantona u iznosu od 80.000,00 KM (slovima: osamdesethiljada konvertibilnih maraka), na ime troškova potrebnih za finansiranje redovnih obaveza i aktivnosti.

**Član 2.
(Ekonomski kod)**

Odobrena sredstva iz člana 1. ove odluke isplatiti će se iz Budžeta Zeničko-dobojskog kantona za 2010. godinu, (isplata za period juli - septembar 2010. godine), razdjel

**ZAKON
o izmjenama Zakona o Agenciji za privatizaciju
Zeničko-dobojskog kantona**

Član 1.

U Zakonu o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97 i 6/01), u članu 10. stav 2. riječ „pet“ zamjenjuje se riječju „tri“.

Član 2.

U članu 14. stav 1., u trećem redu, riječ „četiri“ zamjenjuje se riječju „dva“.

Član 3.

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Član 4.

Predsjednik i članovi Upravnog i Nadzornog odbora Agencije za privatizaciju Zeničko-dobojskog kantona imenovani prije stupanja na snagu ovog zakona, ostaju na